

## ଏଫିସୀୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟ ଲୋକା ଲାକ୍ତୁ ପାଉଲ୍‌ତି ଆକୁ ଏଫିସିୟ ଆକୁ ବିସୟତାନ୍ ଏସ ମାଟା

ଏଫିସି ମଣ୍ଡଳି ଲାକ୍ତୁ ପାଉଲ୍‌ତି ଆକୁ ପାଉଲ୍‌ତି ମାଣାନ୍ ଆନାତ୍ ୭୦ ବାର୍ସୁ ଲୋଇ କଲସିୟ ମଣ୍ଡଳି ଲାକ୍ତୁ ରାସ୍‌ନି ଝେଡ଼ାଦୁ ରାସାତାମାର୍ହାତ୍ । ରାସ୍‌ନିକାନ୍ ଖାନ୍ ନିଜେ ପେରିତ ପାଉଲ ଇଜି ଝେରସିନାନ୍ ୧:୧ । ଜଦିବା କଲସିୟ ଆକୁଦୁ ନିଜେଦି ମାଡ଼ିସ୍‌କିନିକା ସିଲିତିଙ୍ଗ୍ ବାଁ ଗାଦି ପଣ୍ଡିତକୁ ଏଫିସି ଆକୁ ପାଉଲ ରାସତାମାନାନ୍ ଇଜି ଇନାର୍ । ଇୟାଉଣ୍ଡିଙ୍ଗ୍ ଆନାତ୍ ଝିଜୁ ମଣ୍ଡଳିଦିଙ୍ଗ୍ ଆକୁ ବାଟାକିନି ଉଦେସ୍ ଇଡ଼ଜି ରାସାନାମାନାତ୍ । ପାଉଲ ଇକାବା ଝେରନାନ୍ ଜେ ଖାନ୍ ଇୟା ଆକୁ ରାସ୍‌ନି ବେଡ଼ାଦୁ ଖାନ୍ ଜଇଲ୍‌ତୁ ମାର୍ହାନ୍ ୩:୧, ୪:୧, ୬:୨୦ । ପାଉଲ ତୁକିକଦିଙ୍ଗ୍ ଏଫିସି ମଣ୍ଡଳିଦୁ ପୋକ୍‌ସି ଖାନି କିୟୁଦୁ ଇୟା ଆକୁ ପକ୍‌ତାମାର୍ହାନ୍ ୬:୨୧-୨୨ ।

ଏଫିସି ଏସିଆ ରାଜିଦି ଉଣ୍ଡି ପେରି ଗାଡ୍ ନି ରାଜଧାନି ମାର୍ହାତ୍ । ଏଫିସି ଗ୍ରିକ୍ ଦିୟାମ୍ ଆର୍ଡେମିଦି ପୁଜା ନି ତେନି ମନ୍ଦିରତି ଉଣ୍ଡିଙ୍ଗ୍ ଝେଙ୍ଗ୍ ତା ମାର୍ହାନ୍ ପ୍ରେରିତ ୯:୨୩-୩୧ । ଏଫିସି ମଣ୍ଡଳି ପାର୍‌ତୁମ୍ ଡାଟ୍ ମାର୍ହାତ୍ ମାତର୍ ଝେନ୍‌କା ଦିରେ ଦିରେ ଉଣା ଆତାତ୍ ପ୍ରକାଶିତ ୨:୧-୭ ।

ପାଉଲ ଖାନି ରାସ୍‌ନି ଆଦା ବାଗ୍‌ତୁ ମାପୁରୁ ଏଣ୍ଡେସ୍ ଖାନି ଲୋକାଙ୍ଗ୍ ଆସକିତାନ୍ ମାରି ଏଣ୍ଡେସ୍ ଜିସୁଦି ମାଣାନ୍ ପାପତାନ୍ ରକିୟା କିତାନ୍‌ଆକା ବୁଜାକିନା ସିନାନ୍ । ପାଉଲ ମଣ୍ଡଳିଦିଙ୍ଗ୍ ମେନ୍‌ଲ୍‌ତି ଖାଲେ ତୁସ୍‌ସି କ୍ରିସ୍ ଇୟାଖାନି ତାଲା ମାରି କନାଦି ପେରି କାଲୁ ଆନାନ୍ ଆମାତାନି ଖାଲେ ମିସାଜି ଅରସେ ପିର୍‌ଜିନାତ୍ । ପାଉଲ୍‌ଦି ବଇଦି ଆଦା ବିସୟତୁ କ୍ରିସ୍‌ଟାନ୍ ଜିବନ୍‌ତି ବିସୟତାନ୍ ମାଟା ଝେରନାନ୍ ।

### ଇୟା ବଇଦୁ ମାନି ଏସ ମୁକିୟ ବିସୟ

୧. ପାଉଲ୍‌ତି ମାଡ଼ିସ୍‌କିନିକା ମାରି ନିଜେଦି ବିସୟ ଝେରନିକା । ୧:୧-୨

୨. କ୍ରିସ୍ତଦି ଖାଲେ ମଣ୍ଡଲିଦି ମିସାନିକା । ୧:୩-୩:୧-୨୧

୩. କ୍ରିସ୍ତୁଆନ୍ ଜିବନ୍ କାଟେକିନି ସାରି । ୪:୧-୬:୨୦

୪. ପାଉରୁଦି ସାରାସାରି ମାଡ଼ିସ୍ କିନିକା । ୭:୨୧-୨୪

୧ ☆ମାପୁରୁଦି ବଦାଦାନ୍ କ୍ରିସ୍ତ ଜିସୁଦି ଅରେନ୍ ପ୍ରେରିତ ସିସୁ  
ବାସେଆଡି ମାନି ପାଉଲ

ଜିସୁ କ୍ରିସ୍ତଦି ଖାଲେ ମିସାଜି ବିସ୍ବାସ୍ତାନ୍ ଜିଜିମାନି ଏପିସିୟଦି  
ମାପୁରୁଦି ବିସ୍ବାସିଲୋକା ଲାକ୍ତୁ ରାସ୍ତିମାନି ଇୟା ଆକୁ

୨ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ଦୟା ନି ସାନ୍ତି ସିପିନ୍  
।

### କ୍ରିସ୍ତମାନୁ ଆମ୍ବିକ ଆସର୍ ବାଦ୍

୩ ରାଦୁ ଦନ୍ୟବାଦ୍ ସିନାଟ୍ ମା ପ୍ରବୁ ଜିସୁ କ୍ରିସ୍ତଦି ବୁବା ମାପୁରୁ  
। ଇରିଙ୍ଗ୍ ଖାନ୍ ମାଙ୍ଗ୍ କ୍ରିସ୍ତଦି ଖାଲେ ମିସାକିଜି ମୁସ୍କୁପୁରତି  
ମେନ୍ଦଲ୍ଡି ଡିଜୁ ଆମ୍ବିକ ଆସର୍ ବାଦ୍ ସିତିମାନି ।

୪ କ୍ରିସ୍ତଦିମାନୁ ମିସାଜି ମାଡୁ ଏଣ୍ଡେସ୍ ମାପୁରୁଦି ଲୋକୁ ଆନିକା  
ଆୟାଉଣ୍ଡିଙ୍ଗ୍ ଖାନ୍ ମାଙ୍ଗ୍ ପୂତିବି ତିଆର୍ ଆନି ଆଗ୍ଡିରାନ୍  
ବାସେକିତାମାନାନ୍ । ମାରି ଖାନି ଜିବନ୍ନୋନିକା ମାଡୁ ଖାନି ଆଗ୍ଡି  
ପବିତ୍ର ନି ଦସ୍‌ସିଲିକାର୍ ଆନିକା ।

୫ ଜିସୁ କ୍ରିସ୍ତଦି ମାଣାନ୍ ଖାନ୍ ମାଙ୍ଗ୍ ଖାନି କଡର୍ ନି ଆଇଲିକ୍  
ଖାଜା ପସା କିଦେଙ୍ଗ୍ ଇଜି ତିଆର୍ କିତାମାର୍ହାନ୍; ଇକାନେ ମାର୍ହାଡ୍  
ଖାନି ଖେଡିକା ନି ବଦା ।

୬ ମାପୁରୁଦି ଗୌରବ୍ ଦୟା ଉଣ୍ଡିଙ୍ଗ୍ ମାରି ଖାନି ଲାଡ୍‌ତି  
ମାରିନ୍‌ଡିଙ୍ଗ୍ ଆର୍‌ଏନେ ଦାନ୍ ଖାଜା ପୟତିମାନିଙ୍ଗ୍ ସିଲେ, ମାପ୍  
ମାପୁରୁଦି ଦନ୍ୟବାଦ୍ କିଜିନାପ୍ ।

୭ ☆କ୍ରିସ୍ତଦି ସାତି ମାଣାନ୍ ମାଡ୍ ରକିୟା ପୟତିମାନିକା, ଅର୍ଡାଡ୍ ମା  
ଡିଜୁ ପାପ୍ କେମା ଆତାମାନାଡ୍ । ମାପୁରୁଦି ଦୟା ଏସା ପେରିକା,

୮ ଆୟା ଦୟା ଡିଜୁଜାତିଦି ବୁଦି ମାରି ଜ୍ଞାନ୍ ଖାନ୍ ମାଙ୍ଗ୍ ନାଣ୍ଡଦାନ୍  
ସିତାମାନାନ୍ !

୯ ମାପୁରୁ ଖାନି ପେରି ବୁଦି ନି ଲୋଇ ସୁଣି ମାଣାନ ଆମାକା ବଦାକିତା ମାର୍ହାର, ଆକା ପୁରା କିତାମାନାନ ମାରି ତାନିଙ୍ କ୍ରସ୍ତୁଦି ସାକାଦାନ ପୁରା କିଦେଙ୍ ଇଜି ଖାନ ଏମେ ମାରଗିତି ସିନ୍ତା କିତାମାର୍ହାନ, ଆକା ମା ଲାକ୍ତୁ ଖେକ୍ତା ମାନାନ ।

୧୦ ଆୟା ସିନ୍ତାଦି ଇସାବତାନ ମୁସ୍ତୁପୁର ନି ଦୁନିଆଦି ଓଜୁ ତିଆର୍ ଆତି ବିସୟ ଉନ୍ତେ ଆନେ ମାରି କ୍ରସ୍ତୁ ଆୟାଓଜୁଦି ତାଲା ଖାଜା ତେବାନାନ । ଇୟା ସିନ୍ତା ମାପୁରୁ ଟିକ୍ ଖେଡାବୁ ପୁରା କିନାନ ।

୧୧ ଓଜୁ ବିସୟ ମାପୁରୁଦି ଜୋଜନା ନି ରାଜିଆନି ଇସାବତାନ ଆନାଡ୍; ଆଗଡିରାନ କିତିମାହ୍ ନିଜେଦି ଉଦେସ୍ କିଦେଙ୍ ଇଜି, କ୍ରସ୍ତୁଦି ମାଣାନ ଖାନି ନିଜେ ଲୋକୁ ଆଦେଙ୍ ଇଜି ମାପୁରୁ ମାଙ୍ ଆସକିତାମାନାନ ।

୧୨ ରାବୁ, ଏମେକାର୍ ଓଜେରି ଆଗଡି କ୍ରସ୍ତୁମାନୁ ଆସା ଇଡ୍ତାମାର୍ପା, ଓଜେରେ ମାପୁରୁଦି ମହିମା କିନିକା ।

୧୩ ମିର୍ ବା ଏସ୍ତ୍ରାଲେ ରକିୟା ପୁଟ୍ ନି ଇୟା ସୁସମାଚାର୍ତି ସଡ୍ ମାଟା ଖେର୍ଇଦେର୍, ଆୟା ଖେଡାଦାନ ମାପୁରୁଦି ଆତିମାନିଦେର୍ । ମିର୍ କ୍ରସ୍ତୁଙ୍ ବିସବାସ୍ କିତିମାନିଙ୍, ମାପୁରୁ ଖାନି ପାରମାଣ୍ ଇସାବତାନ ପବିତ୍ର ଆମ୍ବଦିଙ୍ ସିଜି ମି ମୁସ୍ତୁ ଖାନି ଅଦିକାର୍ତି ଟାପ୍ଡେଇତା ମାନାନ ।

୧୪ ମାପୁରୁ ଖାନି ଲୋକାଙ୍ ଏମେ ଓଜୁ ବିସୟ ସିଦେଙ୍ ଇଜି ପାରମାଣ୍ କିତାମାନାନ, ଆୟାଓଜୁ ଜେ ମାଡ୍ ପୟନିକା, ପବିତ୍ର ଆମ୍ବା ତାନି ସଡ୍ ଖାଜା । ମାପୁରୁ ଖାନି ଲୋକାଙ୍ ମୁକ୍ତାନି ପୁରାଆନିକା ସିନାନ, ଇୟା ସଡ୍ ନେସ୍ସି, ରାବୁ ମାପୁରୁଦି ଦନ୍ୟବାଦ କିନାଡ୍ ।

### ପାଉଲ୍ତି ପାର୍ତନା

୧୫ ଇୟାଉଣ୍ଡି ପ୍ରୁ ଜିସୁମାନୁ ମି ବିସବାସ୍ ନି ମାପୁରୁ ଲୋକା ଉଣ୍ଡି ମି ଜିବନ୍ନୋନିକା ମାନାଡ୍,

୧୬ ଇୟାଓଜୁ କାବୁର୍ ଖେନ୍ତି ମି ଉଣ୍ଡିଙ୍ ମାପୁରୁଙ୍ ଦନ୍ୟବାଦ ସିଜି ଖାଜିନା, ନାନୁ ବା ନା ପାର୍ତନାବୁ ମିଙ୍ ଓଜୁଦିନ୍ ଏଡ୍କିଜି ଖାଜିନା ।

୧୭ ନାନୁ ନା ଗୌରବତି ବୁବା, ମା ପ୍ରୁ ଜିସୁ କ୍ରସ୍ତୁଦି ମାପୁରୁଙ୍ ପାର୍ତନା କିନା, ଏଣ୍ଡେସ୍ ଖାନ ମିଙ୍ ପବିତ୍ର ଆମ୍ବା ସିନାନ, ଆୟା

ଆମ୍ଭା ମିଙ୍ଗୁ ବୁଦି ସିନାତ୍ ମାରି ମାପୁରୁକୁ ମି ଲାକଡୁ ତରନାତ୍ ।  
ଆତିଙ୍ଗୁ, ମିର୍ ଖାନିଙ୍ଗୁ ନେସ୍ତେଙ୍ଗୁ ଆଟ୍‌ନିଦେର୍ ।

<sup>୧୮</sup> ନାନୁ ବାତିଙ୍ଗୁ ମାଲୁନା, ଏଣ୍ଡେସ୍ ଖାନି ଜାୟ୍ ସୁଡ଼ୁଦେଙ୍ଗୁ ଇଜି ମି  
ଲୋଇରି କାଣ୍ଗା ରେଆନାତ୍ । ଆବେଶାନ୍ ଏମେ ଆସା ଉଣ୍ଡିଙ୍ଗୁ ମିର୍  
ଖାନି ମାଣାନ୍ କୁକାୟ୍‌ଆତିମାନିଦେର୍, ଆକା ନେସ୍‌ନିଦେର୍ ।

<sup>୧୯</sup> ଖାନି ଲୋକା ଉଣ୍ଡିଙ୍ଗୁ ଖାନି ପାରମାଣ୍ଡିକା କାବାଆନି  
ଆସ୍ ବାଦ୍ ଝିଜୁ ଜେ ଏସା ନାଣ୍ଡ, ମାରି ମା ନାନି ବିସ୍‌ବାସି  
ଲୋକା ଲୋଇ ଖାନି ସାଲାନି ସାକ୍ତି ଜେ ଏସା ପେରିକା, ଆକା  
ମିର୍ ନେସ୍‌ତେଙ୍ଗୁ ଆଟ୍‌ନିଦେର୍ ।

<sup>୨୦</sup> ଇଲେଇ, ମା ଲୋଇ ପାଣିକିଜି ମାନି ଆୟା ସାକ୍ତି ଦାନ୍ ନେ  
ମାପୁରୁ କ୍ରିସ୍‌ଟୁ ୱାତି ମାଣାନ୍ ନିକ୍‌ସି ଖାନି ମୁସ୍‌କୁପୁରତି ନିଜେଦି  
ଉଣ୍ଡେରି ତରିନ୍ ବାସିସ୍ କିତାମାନାନ୍ ।

<sup>୨୧</sup> କ୍ରିସ୍‌ଟୁ ଝିଜୁ ମୁସ୍‌କୁପୁରତି ସାସନ୍ କିନିକାନ୍, କିଦେଙ୍ଗୁ ଆଟ୍‌ନି  
ଅଦିକାରି, ସାକ୍ତିଦିକାନ୍ ମାରି ନେତାରି ମୁସ୍‌କୁ ସାସନ୍ କିନାନ୍, ଇୟା  
ଜୁଗ୍ କି ଖାନି ଜୁଗ୍‌ଦି ଅଦିକାରିସିନା ଝିଜୁ ଅଦିକାର ବାଦ୍‌ଲୁ ଖାନି  
ଅଦିକାର ନାଣ୍ଡ ପେରିକା ।

<sup>୨୨</sup> ☆ମାପୁରୁ ଝିଜୁ ବିସୟ କ୍ରିସ୍‌ଟି ପାଦାମ୍ ଆଡ଼ଗି ଇଟ୍‌ତାମାନାନ୍  
ମାରି ଝିଜୁ ବିସୟ ମୁସ୍‌କୁ ଖାନିଙ୍ଗୁ ୱିଜେରିଙ୍ଗୁ ପେରି ପ୍ରବୁ ଖାଜା  
ମଣ୍ଡୁଲିଦିଙ୍ଗୁ ୱିତାମାନାନ୍ ।

<sup>୨୩</sup> ମଣ୍ଡୁଲି କ୍ରିସ୍‌ଟି ମେନ୍‌ଲ୍; ମଣ୍ଡୁଲି ଦାନ୍ କ୍ରିସ୍‌ଟି ପାଣିଦି ପୁରାଆନି  
ପାଣି ଆନାତ୍; ମାରି କ୍ରିସ୍‌ଟୁ ବିସୟ ପୁରା କିନାନ୍ ।

## ୨

### ସାନିମାଣ୍ଡୁକୁ ଜିବନ୍ ପୋଇନିକା

<sup>୧</sup> ☆ମି ମାନାଇକା ମାରି ପାପ୍ ଉଣ୍ଡିଙ୍ଗୁ ସର୍‌ଇଦିନ୍‌ତୁ ନେସ୍‌ନିଖାଜା  
ସାତି ମାରଇଦେର୍ ।

<sup>୨</sup> ଆୟା ବେଡାଦୁ ମିର୍ ଦୁନିଆଦି ସଡ଼ସିଲି ସାରିଦୁ ବୁଲାଇ,  
ବାଦଡ଼ତି ରାଜିଦି ଅଦିପତିଦି ଆଡ଼ଗି ମାରଇଦେର୍ । ଆୟା ଅଦିପତି

ଇଲେଇ ମାପୁରୁଦି ମାଟା ଆସୁଇଝାରି ଲୋକା ମୁସକୁ ସାସନ୍ କିଜିନାନ୍ ।

୩ ସତତାନ୍ ମାତୁ ଝିକୁଲୋକୁ ଝାରି ଝାଜା ମାରୁଇକା ମାରି ମେନ୍ଦଲ ନି ମନ୍ତି ଆସାଆନି ଇସାବତାନ୍ ଜିଜି ମାରୁଆର୍ । ମାରି ଆଇଝାରି ଝାଜା ମାତୁ ବା ମାପୁରୁଦି ରିସାଦି ବାଦଲୁ କାସ୍ତୁ ପୟଦେଙ୍ଗ୍ ସୋଲ୍‌ସିମାର୍ହାପ୍ ।

୪ ମାତର୍ ମାପୁରୁଦି ଦୟା ନିସା ନାଣ୍ତ ମାରି ମା ଉଣ୍ଡିଙ୍ଗ୍ ଝାନି ଜିବନ୍‌ନୋନିକା ନିସା ପେରିକା ଜେ,

୫ ମା ମାନାଇ ଉଣ୍ଡିଙ୍ଗ୍ ମାତୁ ନେସ୍‌ନିଝାଜା ସାତି ମାରୁଇ ବେଡାତୁ ଝାନ୍ କ୍ରିସ୍ତଦି ଝାଲେ ମାଙ୍ଗ୍ ଜିବନ୍ କିତାନ୍ । ମାପୁରୁଦି ଦୟାଦାନ୍ ନେ ମିର୍ ରକିୟା ପୟତିମାନିଦେର୍ ।

୬ କ୍ରିସ୍ତ ଜିସୁଦି ଝାଲେ ଅର୍‌ସେଆତି ମାଣ୍ଟକୁ ଝାନି ଝାଲେ ମୁସକୁପୁରତୁ ସାସନ୍ କିନି ଉଣ୍ଡିଙ୍ଗ୍ ଝାନ୍ ମାଙ୍ଗ୍ ବା ନିକ୍ତାମାନାନ୍ ।

୭ ଜିସୁ କ୍ରିସ୍ତଦିମାନୁ ତରତିମାନି ଜିବନ୍‌ନୋନିମାନୁ ଝାନି ଜୁଗ୍‌ତୁ ନିଜେଦି ଦୟାଦାନ୍ ସାମାନ୍ତି ପେରି ନାଣ୍ତ ଧନ ତରନି ଉଣ୍ଡିଙ୍ଗ୍ ମାପୁରୁ ଇକା କିତାନ୍ ।

୮ ଇରିଙ୍ଗ୍ ମାପୁରୁଦି ଦୟା ଉଣ୍ଡିଙ୍ଗ୍ ବିସ୍‌ବାସତାନ୍ ମିର୍ ରକିୟା ପୟତିମାନିଦେର୍; ଇକା ମି ନିଜେଦିମାଣୁକୁ ଆଏଡ୍, ମାତର୍ ମାପୁରୁଦି ଦାନ୍ ଇକା ।

୯ ଆଦେଙ୍ଗ୍ ଇୟା ବିସ୍‌ୟତାନ୍ ଏନ୍ ଗର୍ବ କିଦେଙ୍ଗ୍ ଆଟ୍‌ଏନ୍ ।

୧୦ ମାତୁ ଆମାକା ଆଦେଙ୍ଗ୍ ଆଟ୍‌ତିମାନିକା, କେବଲ ମାପୁରୁନେ ଆକା କିତାମାନାନ୍; ଆମାଝିକୁ ସଡ୍ ପାଣି ମାପ୍ କିନାପ୍ ଇଜି ମାପୁରୁ ଆଗ୍‌ତିନେ ତିଆର୍ କିତାମାର୍ହାନ୍, ମାପୁ କ୍ରିସ୍ତ ଜିସୁଦି ଝାଲେ ମିସାନି ମାଣ୍ଟକୁ ଆକା ପୁରା ଆତାମାନାଡ୍ ।

### କ୍ରିସ୍ତଦିମାନୁ ଉଣ୍ଡାନିକା

୧୧ ନିଜେଦି ସରଇଦିନ୍ତି ଅବସ୍ତା ଏଡ୍ କିଦୁ, ମିର୍ ଅଣଜିହୁଦି ମାରୁଇଦେର୍, ନିଜେଦିଙ୍ଗ୍ “ସୁନ୍ନତ” ଇଜି ଝେର୍‌ସିମାନି ଜିହୁଦିର୍ ମିଙ୍ଗ୍ “ଅସୁନ୍ନତ” ଇଜି ଇଜିମାରାର୍ । ଇକା କେବଲ ଉନ୍‌ଡେ ମେନ୍‌ଲ୍‌ତି ଅବସ୍ତାଦିଙ୍ଗ୍ ବୁଜାନାଡ୍ ।

୧୨ ଆଗତି ମିର୍ କ୍ରିସ୍ତଦିମାଣୁକୁ ଆକ ମାର୍ଜଦେର୍, ମିର୍ ଆଇଦେସ୍ତି ଲୋକ୍ ମାର୍ଜଦେର୍ ମାରି ମାପୁରୁଦି ଆସ୍ତିମାନି ଲୋକାମାନୁ ମିସାଏତି ମାର୍ଜଦେର୍ । ମାପୁରୁ ତାମି ଇସ୍ରାଏଲ ଲୋକା ଉଣ୍ଟି କିତିମାନି ପାରମାଣ୍ ମୁସ୍କୁ ତିଆର୍ତି ନିୟମ୍ତୁ ମି ଇନିକା ମିସାଏଡ୍ ମାର୍ହାଡ୍ । ମାରି ଆସାସିଲିକା ମାରି ମାପୁରୁଦିମାଣୁକୁ ୱେର୍ଏ ଆଜି ମିର୍ ଜଗତ୍ତୁ ବାସାତି ମାର୍ଜଦେର୍ ।

୧୩ ପୁର୍ବେ ମିର୍ ଆକ ମାର୍ଜଦେର୍, ମାତର୍ ଇଲେଇ କ୍ରିସ୍ତ ଜିହ୍ୱଦିମାନୁ ୱାନି ନେତେର୍ତାନ ଲାକ୍ତୁ ଆତିମାନିଦେର୍ ।

୧୪ ଇରିଙ୍ଗ୍ ଜିହ୍ୱଦି ମାରି ଅଣଜିହ୍ୱଦିରିଙ୍ଗ୍ ଅରସେ କିଜି, କ୍ରିସ୍ତ ନିଜେ ମାମାନୁ ସାନ୍ତି ତିଆର୍ କିତାମାନାନ୍ । ୱାରିଙ୍ଗ୍ ୱେର୍ଏ କିଜି ନିଜେନିଜେଦିମାନୁ ସାତୁ ୱାଜା ଇଡ୍ନିମାନି ଗଡାଦିଙ୍ଗ୍ ୱାନ୍ ୱାନି ନିଜେଦି ମେନ୍ଦଲ୍ଦାନ୍ ରୁକ୍ତାମାନାନ୍ ।

୧୫ ✠ ୱାନ୍ ଜିହ୍ୱଦିରି ୱିଜୁ ବିଧିଧିଆନ୍ ମାଟାଦି ନିୟମ୍ତିଙ୍ଗ୍ ନିଜେଦି ମେନ୍ଦଲ୍ଦାନ୍ ଗୁସା କିତାମାନାନ୍, ଏଣ୍ଡେସ୍ ୱାନ୍ ସାନ୍ତି ତିଆର୍ କିଜି ରୁଣ୍ଡିଞ୍ଜାନିକାଙ୍ଗ୍ବା ନିଜେଦିମାନୁ ଅରେନ୍ ପୁନି ଲୋକ୍ ୱାଜା ତିଆର୍ କିନାନ୍,

୧୬ ✠ କୁସକାର୍ତ୍ତୁ ୱାନି ସାତିମାଣୁକୁ କ୍ରିସ୍ତ ଆୟା ଲୋକାମାନୁ ମାନି ସତୁଦିଙ୍ଗ୍ ନାସ୍ କିତାମାନାନ୍; କୁସକାର୍ଦ୍ଦାନ୍ ୱାନ୍ ରୁଣ୍ଡି ଜାତିଆଙ୍ଗ୍ ମିସା କିଜି ଉନ୍ତେ ମେନ୍ଦଲ୍ ୱାଜା କିତାମାନାନ୍ ମାରି ମାପୁରୁଦି ଲାକ୍ତୁ ଡେସି ତାତାମାନାନ୍ ।

୧୭ ଆୟାଉଣ୍ଡିଙ୍ଗ୍ କ୍ରିସ୍ତ ୱାତାମାର୍ହାନ୍ ମାରି ମାପୁରୁଦିମାଣୁକୁ ଆକ ସୋର୍ଇମାନି ଅଣଜିହ୍ୱଦି ମାରି ୱାନି ଲାକ୍ତୁମାନି ଜିହ୍ୱଦିରିମାନୁ ସାନ୍ତିଦି ସୁସମାଚାର ପ୍ରଚାର୍ କିତାମାର୍ହାନ୍ ।

୧୮ କ୍ରିସ୍ତଦି ମାଣ୍କୁ ନେ ଜିହ୍ୱଦି ମାରି ଅଣଜିହ୍ୱଦି ୱିଜେରେ ଉନ୍ତେ ଆମ୍ବାଦୁ ରୁବାଦି ଆଗ୍ତି ୱାଦେଙ୍ଗ୍ ଆର୍ତ୍ତା ମାନାପ୍ ।

୧୯ ମାରି, ମିର୍ ମାରି ଆଇଦେସ୍ତୁ ନି ଆଇମାନୁବାସାକିନିଲୋକୁ ଆଇଦେର୍, ମାତର୍ ଇଲେଇ ମାପୁରୁଦି ଲୋକା ୱାଲେ ମିର୍ ବା ୱାନି ରାଜିଦି ଲୋକୁ ମାରି ୱାନି ଇଲୁପରିବାର୍ତି ଲୋକୁ ଆତିମାନିଦେର୍ ।

<sup>୨୦</sup> ମିର ବା ପ୍ରେରିତ ସିସୁ ମାରି ବାବବାଦିରି ତିଆରକିତି ମୁଲକାଲୁ ମୁସକୁ ତିଆରାତି ଇଲୁଝାଜା । ଆୟା ଇଲୁଦି କୁନାଦି ମୁଲକାଲୁ ନିଜେ କ୍ରିସ୍ତ ଜିସୁ ।

<sup>୨୧</sup> ଝାନନେ କେବଲ ଇୟା ଇଲୁଦିଙ୍ଗ ଜଡେଇ କିଜି ଇଡନାନ୍ ମାରି ପ୍ରବୁଦି ଉଣ୍ଡିଙ୍ଗ ଉନ୍ତ୍ର ପବିତ୍ର ମନ୍ଦିର ଝାଜା ପିରିସ୍ କିନାନ୍ ।

<sup>୨୨</sup> ଝାନି ସାହାଜ୍ୟଦାନ୍ ମିର ବା ଆଇ ଝିଜେରି ଝାଲେ ଆମ୍ବାଝାଜା ମାପୁରୁଦି ତେବାନି ଉଣ୍ଡିଙ୍ଗ ଉନ୍ତ୍ର ତେବାନି ଇଲୁଝାଜା ତିଆର ଆଜିନିଦେର୍ ।

## ୩

### ଅଣଜିହୁଦିରି ଉଣ୍ଡିଙ୍ଗ ପାଉଲଦି ପାଣି

<sup>୧</sup> ଇୟାଉଣ୍ଡିଙ୍ଗ ମି ଝାଜା ଅଣଜିହୁଦିରି ଉଣ୍ଡିଙ୍ଗ କ୍ରିସ୍ତ ଜିସୁଦି ଉଣ୍ଡିଙ୍ଗ ଜଇଲୁତୁ ମାନି ନାନ୍ ପାଉଲ, ମାପୁରୁଦି ଲାକ୍ତୁ ପାର୍ତନା କିଜିନା ।

<sup>୨</sup> ମି ନେଗି ଉଣ୍ଡିଙ୍ଗ ମାପୁରୁ ଝାନି ଦୟାଦାନ୍ ନାଙ୍ଗ ଜେ ଇୟା ପାଣି କିଦେଙ୍ଗ ସିତାମାନାନ୍, ଇକା ପୁରା ଝେରଇମାନି ।

<sup>୩</sup> ମାପୁରୁ ଝାନି ଆୟା ମାରଗିତିମାନି ମାଟା ଝେରସି ନାଙ୍ଗ ଜାଣେକିତାନ୍ । ଇୟା ବିସୟତାନ୍ ନାନ୍ ଇସ୍ତକାକିଜି ରାସସିନା ।

<sup>୪</sup> ☆ଆକା ପଡାତିଙ୍ଗ, କ୍ରିସ୍ତଦି ମାରଗିତିମାନି ମାଟା ବିସୟତାନ୍ ନାନ୍ ଆମାକା ବୁଜାତାମାନା, ଆକା ମିର ନେସତେଙ୍ଗ ଆବ୍ନିଦେର୍ ।

<sup>୫</sup> ପୁର୍ବେକାଡାଦି ଲୋକା ଲାକ୍ତୁ ଇୟା ମାରଗିତିମାନି ମାଟା ବିସୟତାନ୍ ଝେରଏର୍ ମାର୍ହାର । ମାତର୍ ମାପୁରୁ ଇଲେଇ ଝାନି ପବିତ୍ର ପ୍ରେରିତ ସିସୁ ମାରି ବାବବାଦିରିଙ୍ଗ ଆମ୍ବାଦାନ୍ ଇକା ଝେରତାମାନାନ୍ ।

<sup>୬</sup> ଆୟା ମାରଗିତିମାନି ମାଟା ଆଜିନାଡ୍, ସୁସମାଚାରୁତି ଉଣ୍ଡିଙ୍ଗ ଜିହୁଦିରି ଝାଲେ ଅଣଜିହୁଦିରି ବା ମାପୁରୁଦି ଆସିର୍ବାଦୁତୁ ମିସାତାମାନାର । ଝାର ଆୟା ଉନ୍ତ୍ର ମେନ୍‌ଲତି ମେନ୍‌ଲଝିନ୍ତୁ ମାରି ଜିସୁ କ୍ରିସ୍ତଦି ସାହାଜ୍ୟଦାନ୍ ମାପୁରୁ ସିତିମାନି ପାରମାଣ୍ଡୁ ମିସାତାମାନାର ।

୭ ମାପୁରୁଦି ପାଣିକିନି ସାକ୍ତି ଇସାବତାନ ନାଙ୍ଗ ଆମା ଅନୁଗ୍ରହଦି ଦାନ ସିତାମାନାନ୍, ଆୟାଉଣ୍ଡିଆ ଆୟା ସୁସମାଚାର୍ତ୍ତି ନାନ୍ ଅରେନ୍ ସେବାକିନିକିଆ ଆତାମାନା ।

୮ ନାନ୍ ମାପୁରୁଦି ଲୋକା ଲୋଇ ଝିଜେରିମାଣୁକୁ ଇସ୍ତିକିଆ, ମାରିବା ଅଣଜିହୁଦିରି ଲାକଡୁ କ୍ରିସ୍ତଦି ଝିଜ୍ଜ ସମ୍ପତିଦି ବାକ୍ୟ ଆସ୍ତି ସନି ଉଣ୍ଡିଆ ନାଙ୍ଗ ମାପୁରୁ ଦୟା ସିତାମାନାନ୍ ।

୯ ମାରି ମାପୁରୁଦି ଆୟା ମାର୍ଗିତିମାନି ମାଟା ଏଣ୍ଡେସ୍ ପାଣି ସିଦେଙ୍ଗ ଆଟନାଡ, ଆକା ଝିଜେରିଙ୍ଗ ନେସ୍ତି କିନି ଉଣ୍ଡିଆ ବାଗ୍ୟ ନାନ୍ ପୟତାମାନା । ଝିଜୁ ବିସୟତି ତିଆରକିତିକାନ୍ ମାପୁରୁ ପୁର୍ବେ ଝିଜୁ ଜୁଗଡୁ ଝାନି ମାର୍ଗିତିମାନି ମାଟାଦିଙ୍ଗ ଆତାକ୍ତା ଇଟା ମାର୍ହାନ,

୧୦ ଏଣ୍ଡେସ୍ ଇଲେଇତି ବେଡାଦୁ କ୍ରିସ୍ତୟାନୁ ମଣ୍ଡଲିଦି ପାଣିଦାନ୍ ମୁସକୁପୁରତି ସାସନ୍ କିନି ମାରି ସାକ୍ତିଙ୍ଗ ମାପୁରୁଦି ନାଣୁ ବୁଦି ବିସୟତାନ୍ ଅଜାଜ ବୁଜାଦେଙ୍ଗ ଆଟନାଡ ।

୧୧ ମାପୁରୁ ଝାନି ପୁର୍ବେଦି ଉଦେସ୍ତି ଇସାବତାନ୍ ମା ପ୍ରବୁ କ୍ରିସ୍ତ ଜିହୁଦିମାଣୁକୁ ଇକା ପାଣି କିତାମାନାନ୍ ।

୧୨ ଆୟା କ୍ରିସ୍ତଦି ଝାଲେ ମିସାତି ମାନିଙ୍ଗ ଝାନିମାନୁ ବିସ୍ତବାସ୍ କିତିମାନିଙ୍ଗ ଆସାଦାନ୍ ମାପୁରୁଦି ଆଗଡି ସନି ଉଣ୍ଡିଆ ମା ସାହାସ୍ ମାନାଡ ।

୧୩ ଆୟାଉଣ୍ଡିଆ ନା ବାତିଙ୍ଗମାଲ୍‌ନିକା, ମି ଉଣ୍ଡିଆ ନା ଆମା ଦୁଃକ୍‌କାସ୍ତୁଦି ଉଣ୍ଡିଆ ନିରାସ୍ ଆମାଟ, ଇରିଙ୍ଗ ଇୟାଝିଜୁ ମି ନେଗି ଉଣ୍ଡିଆ ଆତାମାନାଡ ।

### କ୍ରିସ୍ତଦି ଜିବନ୍‌ନୋନିକା

୧୪ ଆୟା ବୁବା ମାପୁରୁଦି ଆଗଡି ନାନ୍ ମେଣ୍ଡେଙ୍ଗ ଗଟ୍‌କିଜି ପାର୍ତାନା କିଜିନା ।

୧୫ ଇୟାଉଣ୍ଡିଆ ଆମା ବୁବାଦିମାଣୁକୁ ମୁସକୁପୁର ମାରି ଦୁନିଆଦି ଝିଜୁ ଇଲୁକୁପରିବାର ଝାନି ସଡ ଦରୁ ପୟଆ ଆତାମାନାଡ,

୧୬ ଏଣ୍ଡେସ୍ ନାନ୍ ପାର୍ତାନା କିନା ଝାନ ଝାନି ଆମାଦି ଅଦିକାର ଝାନି ଗୌରବତି ଉଣ୍ଡିକିତିମାନିମାଣୁକୁ ମି ଜିବନ୍‌ତି ଆମାଦିଙ୍ଗ ବପୁ କିନି ଉଣ୍ଡିଆ ସାକ୍ତି ସିନାନ୍ ।

୧୭ ନାନ୍ ପାର୍ତ୍ତାନା କିନା, ଏଣ୍ଡେସ୍ ମି ବିସ୍ବାସତି ବପୁଦାନ୍ କ୍ରିସ୍ ମି ଜିବନ୍ତୁ ବାସା କିନାନ୍ । ନାନ୍ ପାର୍ତ୍ତାନା କିନା, ଏଣ୍ଡେସ୍ ମି ମୁଲ୍‌କୁନାଦିକାଲୁ ଜିବନ୍‌ନୋନିମାଣୁକୁ ତିଆର୍ ମାରି ତାଟ୍ ଆନାଡ୍ ।

୧୮ ଆର୍ତିଙ୍ଗ୍, କ୍ରିସ୍ତି ଜିବନ୍‌ନୋନିକା ଜେ ଏସା ନିର୍‌ଇକା ନି ଅସାର୍, ଏସ ନିରିକା ନି ନିର୍‌ଇଗୁଟା, ମିର୍ ମାପୁରୁଦି ଆଇଆଇ ଲୋକା ଖାଲେ ଇକା ନେସ୍‌ତେଙ୍ଗ୍ ଆଟ୍‌ନିଦେର୍ ।

୧୯ ହୁଁ, ମିର୍ ଖାନି ଜିବନ୍‌ନୋନି ବାକ୍ୟ ନେସ୍‌ତେଙ୍ଗ୍ ଆଟ୍‌ନିଦେର୍, ମାରିବା ଇକା ଏସ୍‌କାଙ୍ଗ୍‌ବା ପୁରାଞ୍ଜି ନେସ୍‌ତେଙ୍ଗ୍ ଆଟ୍‌ଇକା । ଇୟାଖାଜା ମିର୍ ମାପୁରୁଦି ଖାଜା ବର୍ତ୍ତୁ ପୁରାବର୍ତ୍ତ ଆଦେଙ୍ଗ୍ ଆଟ୍‌ନିଦେର୍ ।

୨୦ ମାପୁରୁ ମା ଲୋଇ ପାଣି ପୁରା କିଜିମାନି ନିଜେଦି ସାଲି ଇସାବ୍‌ତାନ୍ ମା ଲସ୍‌ନିକା ମାରି ଅଡ୍‌ବିନିମାଣୁକୁ ନାଣ୍ଟ ସିଦେଙ୍ଗ୍ ଆଟ୍‌ନାନ୍;

୨୧ ମଣ୍ଡଲିଦାନ୍ ମାରି କ୍ରିସ୍ତି ଜିସ୍ତିମାଣୁକୁ ଜୁଗ୍ ଜୁଗ୍ ଖିଜୁ ଦିନ୍ ସାନ୍ଦି ଆୟା ମାପୁରୁଦି ଗୌରବ୍ ଆପିଡ୍ ! ଆମେନ୍ ।

## ୪

### ଉନ୍‌ଡ୍ରେ ମେନ୍‌ଲ ଗାଦି ଦାନ୍

୧ ପ୍ରବୁଦି ସେବା କିଜିମାର୍‌ଇ ଉଣ୍ଡିଙ୍ଗ୍ ଜେଲ୍‌ତୁ ତେବାତିମାନି ନାନ୍ ପାଉଲ ମିଙ୍ଗ୍ ଅନୁରଦ୍ କିଜିନା, ଏଣ୍ଡେସ୍ ଜିନି ମାଡିନି ଉଣ୍ଡିଙ୍ଗ୍ ମାପୁରୁ ମିଙ୍ଗ୍ କୁକ୍‌ତାମାନାନ୍, ଆୟାଖାଜା ସାଲାବୁଲା କିଦୁ ।

୨ ✠ଖିଜୁଖାଲେ ନମ୍ରତା, ସାନ୍ତି ମାରି ସାସ୍ ଆଦୁ । ଜିବନ୍‌ନୋନିମାନ୍ ନିଜେନିଜେଦି ଉଣ୍ଡିଙ୍ଗ୍ ମିସାଜି ତେବାଦୁ ।

୩ ପବିତ୍ରଆତ୍ମାଦି ସାହାଜ୍ୟଦାନ୍ ସାନ୍ତିଦାନ୍ ବାସାନି ଉଣ୍ଡିଙ୍ଗ୍ ମି ମାନ୍ ଆମାକା ଉନ୍‌ଡ୍ରେ ତିଆର୍ ଆତାମାନାଡ୍, ତାନିଙ୍ଗ୍ ରକ୍‌ୟା କିନି ଉଣ୍ଡିଙ୍ଗ୍ ଜାଡୁନ୍ ଆଦୁ ।

୪ ମା ମେନ୍‌ଲ ଉନ୍‌ଡ୍ରେ, ଆମ୍ବା ବା ଉନ୍‌ଡ୍ରେ ମାରି ଉନ୍‌ଡ୍ରେ ଆସା ସିଜି ମାପୁରୁ ମାଙ୍ଗ୍ କୁକ୍‌ତାମାନାନ୍ ।

୫ ଅରେନ୍ ପ୍ରବୁ, ଉନ୍‌ଡ୍ରେ ବିସ୍ବାସ, ଉନ୍‌ଡ୍ରେ ହୁବନ୍;

୬ ଝିଜେରି ଲୋକା ଜାତିଦୁ ମାପୁରୁ ନି ବୁବା ଅରେନ୍; ଖାନ୍ ଝିଜେରି ପ୍ରବୁ, ଝିଜେରି ମାନୁ ମାରି ଝିଜେରି ଜିବନ୍ତୁ ମାନାନ୍ ।

୭ କ୍ରିସ୍ତସିତିମାନି ଅତି ଇସାବତାନ୍ ମାତୁ ଝିଜେରିଙ୍ଗ୍ ଉନ୍ତ୍ରି ଉନ୍ତ୍ରି ଦୟା ଦାନ୍ ପୟତିମାନିକା ।

୮ ଦର୍ମସାସ୍ତ୍ରଦୁ ଇୟା ବିସୟତାନ୍ ରାସ୍ତାମାନାଡ୍,

“ଏସ୍ତିଝାଲେ ଖାନ୍ ମୁସକୁ ସର୍ହାନ୍,

ଖାନି ଝାଲେ ନାଣ୍ତ ଜଇଲ୍ତୁ ମାର୍ଜଝାରିଙ୍ଗ୍ ଖାନ୍ ଅତାନ୍,  
ମାରି ଲୋକାଙ୍ଗ୍ ନାଣ୍ତ ବର୍ ସିତାନ୍ ।”

୯ ଖାନ୍ ମୁସକୁ ସର୍ହାନ୍ ଇଜି ଝେରୁନି ଅର୍ତ୍ତ ଇନିକା ? ଇୟାତାନି ଅର୍ତ୍ତ ଆଜିନାଡ୍, ଆଗ୍ତି ଖାନ୍ ଦୁନିଆଦି ଇସ୍ତି ବାଡିଆଙ୍ଗ୍ ଝାତା ମାର୍ହାନ୍ ।

୧୦ ଏନ୍ ଝାତା ମାର୍ହାନ୍, ଖାନ୍ ଏଣ୍ଡେସ୍ ସାରା ପୃତିବିଦିଙ୍ଗ୍ ଖାନି ମାନିମାନୁ ପୁରାବତ୍ କିନାନ୍, ଆୟାଉଣ୍ଡିଙ୍ଗ୍ ଖାନ୍ ବା ମୁସକୁପୁରତି ମୁସକୁ ସର୍ହାନ୍ ।

୧୧ ଖାନ୍ ନେ ଲୋକାଙ୍ଗ୍ ନାଣ୍ତ ବର୍ ଦାନ୍ ସିଜି ସର୍ଆମାନାନ୍ । ଏସ ଲୋକାଙ୍ଗ୍ ପ୍ରେରିତ ସିସୁ, ମାରି ଏସ ଲୋକାଙ୍ଗ୍ ବାବବାଦି, ଏସ ଲୋକାଙ୍ଗ୍ ସୁସମାଚାର ପ୍ରଚାରକିନିକାନ୍, ମାରି ଏସ ଲୋକାଙ୍ଗ୍ ପାସଟର୍ ମାରି ମାସଟର୍ ଝାଜା ଆସକିତାମାନାନ୍ ।

୧୨ କ୍ରିସ୍ତଦି ଆୟା ମେନ୍ଦଲ୍ ରସ୍ନି ଉଦେସ୍ତାନ୍ କ୍ରିଷ୍ଟିୟାନ୍ ସେବା ପାଣି ଉଣ୍ଡିଙ୍ଗ୍ ମାପୁରୁଦି ଲୋକାଙ୍ଗ୍ ତିଆର୍ କିଦେଙ୍ଗ୍ ଖାନ୍ ଇକା କିତାମାନାନ୍ ।

୧୩ ଆୟାଉଣ୍ଡିଙ୍ଗ୍ ମାତୁ ଝିଜୁଲୋକୁ ମା ବିସ୍ବାସତୁ ମାରି ମାପୁରୁଦି ମାରିନ୍ ବିସୟତି ବୁଦିଦୁ ଉନ୍ତ୍ରେମାନୁ ଆନାପ୍, କ୍ରିସ୍ତଦି ପୁରାବତ୍ ଆଜି ମାପୁ ପୁରାବୟସ୍ ଆନାପ୍ ।

୧୪ ଗାଲିଦି ସନିକା ମାରି ଉଲୁକାଏରୁ ଆଡ଼ଡାଡିଙ୍ଗ୍ ଇନିଙ୍ଗ୍ ଆନିଙ୍ଗ୍ ଆଜିମାନି ଇସ୍ତିକଡ଼ରି ଝାଜା ମାତୁ ମାରି ତିର୍ ଆଇକା । ଆଇଝାରିଙ୍ଗ୍ ସେଇସାରିଦୁ ପୋକ୍ସିମାନି ବେମ୍ବରିକିନିଝାରି ବାୟାନାନି ସିକିୟାଦୁ ମାତୁ ଇନିଙ୍ଗ୍ ଆନିଙ୍ଗ୍ ଆଇକା ।

୧୫ ତାନିବାଦଲୁ ଜିବନ୍ନୋନି ସଡ଼ ଝେରସି ଝିଜୁ ବିସୟତୁ ତାଲା ଝାଜା କ୍ରିସ୍ତଦି ଝାଜା ଆନାଟ୍ ।

୧୭ ☆ଖାନିମାଣୁକୁ ମେନ୍ଦଲତି ଆଇଆଇ କିକୁକାଲକୁ ଉନ୍ତେମାନୁ ମିସାନେ ମାରି ଆବେନ୍ତୁ ମାନି ସିରେଙ୍ଗ୍ ସାହାଜ୍ୟଦାନ ଝିନ୍ତୁ ମେନ୍ଦଲ ତିଆର୍ ଆନାଡ଼ । ଆଦେଙ୍ଗ୍ ମେନ୍ଦଲତିକେଙ୍ଗ୍ ଝିନ୍ତୁ ନିଜେଦି ପାଣି କିନି ଖାଜା ବ୍ୟବହାର କିନିମାଣୁକୁ ଝିନ୍ତୁ ମେନ୍ଦଲ ପିରିଜି ତିଆର୍ ଆନାଡ଼ ।

### କ୍ରିସ୍ତଦିମାଣାନ ପୁନି ଜିବନ୍

୧୭ ମାରି, ପ୍ରବୁଦି ଦର୍ତ୍ତାନ ନାନ୍ ମିଙ୍ଗ୍ ଜାଗାରତା କିଜି ସିଜିନା, ଅଣଜିହୁଦିରି ଖାଜା ମାରି ସାଲାବୁଲା କିମାଟ୍ । ଖାରି ସିନ୍ତା ପେରିକା

୧୮ ମାରି ଖାରି ମନ୍ ସିକାଟି । ମାପୁରୁ ସିତିମାନି ଜିବନ୍ତୁ ଖାରିନ୍ଦି ଇନିକା ମିସାଏଡ଼ । ଇରିଙ୍ଗ୍ ଖାର ପୁରା ବୁଦିସିଲିକାର୍ ମାରି ମାନାଇକାର୍ ।

୧୯ ଖାର ସେମାରସିଲିକାର୍, ତାଗଇ ପାଣିକିନିକାର୍ ମାରି ଲୋବ୍‌ଦାନ ଝିନ୍ତୁଜାତିଦି ନେଗେନ୍‌ତରଇ ପାଣିଦୁ ମାନାର୍ ।

୨୦ ଇୟାଝିନ୍ତୁ ମିର୍ କ୍ରିସ୍ତଦି ବିସୟତାନ୍ ସିକିୟା କିତିମାନି ବିସୟ ଆଏଡ଼ ।

୨୧ ମିର୍ ଖାନି ବିସୟ ଝେରଇମାନିଦେର୍, ମାରି ଖାନି ଝେନ୍‌କାସନି ଖାଜା ଜିସୁଦି ବିସୟତାନ୍ ସଡ଼ ସିକିୟା ପୟତିମାନିଦେର୍ ।

୨୨ ☆ମିର୍ ଆମା ପାଡ଼ିଇ ସାଲାବୁଲାଦାନ ଜିବନ୍ ଜିଜି ମାରଇଦେର୍, ଆକା ଝିନ୍ତୁ ଡିସ୍‌ତୁ, ଇରିଙ୍ଗ୍ ଆୟାତାନି ସାଲାକି ପାଣିଦାନ ମି ଆମା ନାସୁ ଆଜିମାର୍‌ହାଡ଼ ।

୨୩ ମାରି ମି ଜିବନ୍ ମାରି ମୋନ୍ ପୁରା ପୁନିକା ଆନିକା ମାନାଡ଼ ।

୨୪ ☆ଆମା ପୁନି ସାଲାବୁଲାନିକା ମାପୁରୁଦି ଖାଜା ତିଆର୍‌ଆତି ପୁନି ଆମା ଆରାଦୁ । ଆକା ମି ପବିତ୍ର ମାରି ଦାର୍ମ୍‌ଦାନ ଜିବନ୍ତୁ ଝେଙ୍ଗ୍‌ତି ।

୨୫ ମାରି ମିର୍ ଝେର୍‌ମାଟ୍ । କ୍ରିସ୍ତବିସ୍‌ବାସସିର୍ ନିଜେନିଜେଦିଙ୍ଗ୍ ସଡ଼ ଝେର୍‌ନିକା ମାନାଡ଼; ଇରିଙ୍ଗ୍ ମାପୁ କ୍ରିସ୍ତଦି ମେନ୍ଦଲତି ମେନ୍ଦଲଝିନ୍ତୁ ।

୨୬ ମିର୍ ରିସା ଆଜି ପାପ୍ କିମାଟ୍, ଝେଡ଼ା ଆର୍‌ଏଶ୍‌ଗା ମି ରିସା ତିର୍ ଆପିଡ଼ ।

୨୭ ମାରି ସୟତାନ୍‌ତିଙ୍ଗ୍ ବାଡ଼ି ସିମାଟ୍ ।

୨୮ ତଙ୍ଗାଋଏନ୍ ମାରି ତଙ୍ଗା କିମାକିନ୍ । ମାରି ସିଲିସାତିଝାରିଙ୍ଗ ଦାନ୍ କିନି ଉଣ୍ଡିଙ୍ଗ ଏଣ୍ଡେସ୍ ଝାନି ଲାକ୍ତୁ ଜନିକା ତେବାଦେଙ୍ଗ ଆର୍ନାଡ଼, ଇୟାଉଣ୍ଡିଙ୍ଗ ନିଜେଦି କିୟୁଦାନ୍ ନେଗେନ୍ ପାଣି କିଜି କାସୁପାଣି କିପିନ୍ ।

୨୯ ମି ଝେୟୁଦାନ୍ ଜନି ତାଗ୍‌ଇମାଟା ସୋମାକିଡ଼, ମି ମାଟା ନେଗିକା, ପିରିସ୍‌କିନିକା ମାରି ପାଣିଦୁଲାଗେ ଆପିଡ଼ । ଆର୍ଡିଙ୍ଗ ଆମାକାର୍ ମି ମାଟା ଝେନାର୍, ଝାରି ଉଣ୍ଡିଙ୍ଗ ଆକା ନେଗିକା ଆନାଡ଼ ।

୩୦ ମାପୁରୁଦି ପବିତ୍ର ଆମ୍ବାଦିଙ୍ଗ ଦୁଃକ୍ ସିମାଟ୍ । ଇରିଙ୍ଗ ପବିତ୍ର ଆମ୍ବା ମି ମୁସ୍‌କୁ ମାପୁରୁଦି ନିଜେଦି ଅଦିକାର୍‌ତି ସିନାଦି ଝାଜା ମାରି ମାପୁରୁ ଜେ ଅର୍‌ଲେନ୍ ମିଙ୍ଗ ରକିୟା କିନାନ୍, ଇୟାକା ଆନାଡ଼ଆକା ।

୩୧ ଝିଜୁଜାତିଦି ସୁରିମାଟେଙ୍ଗ, ଗିଦିର୍ ମାରି ରିସା ଡିସ୍‌ତୁ । ମାଡ଼ଗଲ୍ ନି ଆଇଝାରିଙ୍ଗ ନିୟା କିମାଟ୍ । ଏ ଉଣ୍ଡିଙ୍ଗ କାଡ଼ାମାଟ୍ ।

୩୨ ☆ମାରି, ନିଜେନିଜେଦି ଉଣ୍ଡିଙ୍ଗ ସାକା ଆଦୁ ମାରି ନେଗି ଜିବନ୍ ଆଦୁ, ମାରି ମାପୁରୁ କ୍ରିସ୍‌ତିମାନ୍ ମିଙ୍ଗ ଏଣ୍ଡେସ୍ କେମା କିତାନ୍, ଆୟାଝାଜା ମିର୍ ନିଜେନିଜେଦିଙ୍ଗ କେମା କିଦୁ ।

## ୫

### ଜାୟୁତି ଜିବନ୍

୧ ମିର୍ ମାପୁରୁଦି ଲାଡ଼ତି କଡ଼ର୍, ମାରି ଝାନି ଝାଜା ଆଦେଙ୍ଗ ଝିଜି ବଦା କିଦୁ ।

୨ କ୍ରିସ୍‌ ଏଣ୍ଡେସ୍ ମାଙ୍ଗ ଜିବନ୍‌ନୋତାନ୍ ମାରି ମାପୁରୁଦି ଝେଡିକାଦି ଉଣ୍ଡିଙ୍ଗ ନିଜେଦି ଜିବନ୍‌ତିଙ୍ଗ ମା ଉଣ୍ଡିଙ୍ଗ ବାସ୍‌ନାଦି ଦୁପ୍‌ସି ମାରି ପୁଜା ଝାଜା ଆତାନ୍, ମି ଜିବନ୍ ବା ଆୟାଝାଜା ଜିବନ୍‌ନୋନି ମାଣାନ୍ ସାଲାପିଡ଼ ।

୩ ମାପୁରୁଦି ଲୋକୁ ଆତିମାନିଙ୍ଗ ମି ଲୋଇ ଦାରିପାଣି, ଝିଜୁ ରକମ୍‌ତି ତାଗ୍‌ଇକା ମାରି ଲୋବାଆନିକା, ଇୟାଝିଜୁ ତେବାମାକିଡ଼ । ଆକା ମାପୁରୁଲୋକା ଉଣ୍ଡିଙ୍ଗ ନେଗେନ୍ ସିଲେ,

୪ ମି ଉଣ୍ଡିଙ୍ଗ୍ ତାଗ୍‌ର ବାସା, ଖାର୍‌ର ମାଟା ନି ବାଣ୍ଡିସ୍ ମାଟା ଖାର୍‌ଗିନିକା ବା ନେଗେଡ଼ ସିଲେ । ମାତର୍ ମି ଖାର୍‌ଗିମାନ୍ ମାପୁରୁଙ୍ଗ୍ ଦିନ୍ୟବାଦ ସିଦୁ ।

୫ ଇକା ସଡ଼ ଇଜି ନେସ୍‌ସୋ ମାନ୍‌ଡୁ, ଏମେକାର୍ ଦାରିଏନ୍, ତାଗ୍‌ଇକାନ୍ ମାରି ଲୋବା, ନାଣ୍ଡ ଲୋବା ଆନିକାନ୍ ବମା ପୁଜା କିନି ସାମାନ୍, ଖାନ୍ ଏସାଙ୍‌ବା କ୍ରିସ୍ତଦି ନି ମାପୁରୁଦି ରାଜିଦି ଅଦିକାରି ଆଏନ୍ ।

୬ ପୁଲ୍‌ପୁଲି ମାଟେଙ୍ଗ୍ ଝେରସି ଆମାକାନ୍ ମିଙ୍ଗ୍ ବାଣ୍ଡିସ୍ କିମାକିନ୍ । ଇୟାଞ୍ଜିଲୁ ତାଗ୍‌ର ପାଣିଦାନ୍ ଏମେକାର୍ ମାପୁରୁଦି ମାଟା ଅମାନ୍ୟ କିନାର୍, ଖାରି ଉଣ୍ଡିଙ୍ଗ୍ ଖାନି ରିସା ନାଣ୍ଡ ଆନାଡ଼ ।

୭ ଇୟାନାନି ଲୋକାଞ୍ଜାଲେ ମିସାମାଡ଼ ।

୮ ମିର୍ ନିଜେ ଅରଲେନ୍ ସିକାଟିଦୁ ମାହ୍ ଦେର୍ । ମାତର୍ ଇଲେଇ ପ୍ରବୁଦି ଲୋକୁ ଆତିମାନିଙ୍ଗ୍ ମିର୍ ଜାୟ୍‌ତୁ ମାନିଦେର୍ । ଆଦେଙ୍ଗ୍ ମିର୍ ଜାୟ୍‌ତି କଡ଼ରି ଖାଜା ସାଲାବୁଲା ଆଦୁ ।

୯ ମାତର୍ ଜାୟ୍ ନେ ଝିଲୁ ରକମ୍‌ତି ନେଗିଗୁଣ୍ଡୁ, ଦାମ୍‌ତିକା ମାରି ସଡ଼ନାନି ପଲ୍ ଆସନାଡ଼ ।

୧୦ ପ୍ରବୁଦି ଝେଡ଼ିକାଦିକାନ୍ ଆଦେଙ୍ଗ୍ ଇଜି ଅଜାଦୁ ।

୧୧ ଲୋକୁ ସିକାଟିଦୁ ଏମେ ଝିଲୁ ଟକେକିନି ପାଣି କିନାର୍, ଆୟାଞ୍ଜିଲୁ ମାଣ୍‌କୁ ଆକ ମାନ୍‌ଡୁ । ମାରି ଖାରି ପାଣିଝିଲୁ ଜାୟ୍‌ତୁ ତରସି ସିଦୁ ।

୧୨ ସଡ଼ତାନ୍ ଖାର୍ ମାର୍‌ଗିଜି ଆମା ପାଣି ଝିଲୁ କିନାର୍, ଆୟା ବିସୟ୍ ଝେରଡେଙ୍ଗ୍ ସେମାର୍‌ତି ମାଟା ।

୧୩ ଏସ୍ତିଞ୍ଜାଲେ ଝିଲୁ ବିସୟ୍ ଜାୟ୍‌ତୁ ତାନାର୍, ନାସ୍ତିଞ୍ଜାଲେ ଆୟାଞ୍ଜିଲୁଦି ସଡ଼ ମାଟା ତରନାଡ଼ ।

୧୪ ମାତର୍ ଜାୟ୍‌ତି ଝିଲୁ ବିସୟ୍‌ତି ତରନାନ୍ । ଆୟାଉଣ୍ଡିଙ୍ଗ୍ ଇୟାଞ୍ଜା ରାସାତାମାନାଡ଼ :

“ଏ ସୁଜତି ଲୋକୁ ନିଙ୍ଗ୍‌ଦୁ

ମାରି ସାତି ଲୋକାମାଣାନ୍ ଜିବନ୍‌ଆଜି ନିଙ୍ଗ୍ ଡୁ !

କ୍ରିସ୍ତଦି ଜାୟ୍‌ତୁ ଜାୟ୍‌ଆଦୁ ।”

୧୫ ଆଦେଙ୍ଗ୍ ମିର୍ ଏଣ୍ଡେସ୍ ସାଲାବୁଲା କିନିଦେର୍, ଆୟା ବିସୟ୍‌ତାନ୍ ଜାଗାର୍‌ତା ମାନ୍‌ଡୁ । ବୁଦିସିଲିଲୋକା ଖାଜା ଆଏଣ୍ଡା

ବୁଦି ମାନି ଲୋକା ଖାଜା ସାଲାବୁଲା କିନ୍ତୁ ।

୧୭ ☆ ଝିନ୍ତୁ ଦିନତିଙ୍କ ନେଗେନ୍‌ତାନ୍ ବ୍ୟବହାର କିନ୍ତୁ, ଇରିଙ୍କ ତାଗ୍‌ଜ ଦିନ୍ ଇଗା ଖାଜିନାଡ଼ ।

୧୮ ବୁଦିସିଲି ଖାଜା ଆମାଟ୍, ମାତର୍ ପ୍ରବୁଦି ବଦାଦିଙ୍କ ବୁଜାଦେଙ୍କ ସେଷ୍ଟା କିନ୍ତୁ ।

୧୯ କାଡ଼ ଉଣିମାନୁ ସସ୍‌ମାଟ୍, ଇରିଙ୍କ ଆକା କେବଲ ମିଙ୍ଗ୍ ସାପିସ୍ କିନାଡ଼, ମାତର୍ ପବିତ୍ର ଆମାଦୁ ପୁରାଆଦୁ ।

୨୦ ☆ ଖେଡ଼ିକାଦି ପାଟା, ଦନ୍ୟବାଦ ପାଟା ମାରି ପ୍ରସଂସା ପାଟା ଦାନ ନିଜେ ନିଜେଦିଙ୍କ ଖେଡ଼ିକା କିନ୍ତୁ । ଜିବନ୍‌ତି ଦନ୍ୟବାଦ ତାନ୍ ପ୍ରବୁଦି ଉଦେସ୍‌ତାନ୍ ପାଟା ମାରି ଖେଡ଼ିକାଦି ପାଟା ପାରୁ ।

୨୧ ଝିନ୍ତୁଦିନ୍ ଝିନ୍ତୁ ବିସୟ ଉଣିଙ୍କ ପ୍ରବୁ ଜିସୁ କ୍ରିସ୍‌ତି ଦରତାନ୍ ବୁବା ମାପୁରୁଙ୍କୁ ଦନ୍ୟବାଦ୍ ସିନ୍ତୁ ।

### କନ୍‌ଲି ନି ଆଡ଼ସି

୨୨ କ୍ରିସ୍‌ତି ଉଣିଙ୍କ ମି ମାନାନିକା ମାନିଙ୍କ ମିର୍ ନିଜେ ନିଜେଦିଙ୍କ ମାନାଜି ସାଦୁ ।

୨୩ ☆ ଆଇମେକ୍ ! ମିର୍ ଏଣ୍ଡେସ୍ ପ୍ରବୁଙ୍କୁ ମାନାନିଦେର୍, ଆୟାଖାଜା ନିଜେ ନିଜେଦି କନ୍‌ଲିରିଙ୍କ ମାନାଦୁ ।

୨୪ ମଣ୍ଡଲି ମୁସକୁ କ୍ରିସ୍‌ତି ଅଦିକାର ଖାଜା ଆଡ଼ସିକା ମୁସକୁ କନ୍‌ଲିସିରି ଅଦିକାର ମାନାଡ଼; ମାରି କ୍ରିସ୍‌ତେ ଖାନି ମେନ୍‌ଲ୍ ଖାଜା ମଣ୍ଡଲିଦି ରକିୟାକିନିକାନ୍ ।

୨୫ ମଣ୍ଡଲି ଏଣ୍ଡେସ୍ କ୍ରିସ୍‌ତାନ୍ ମାନାନାଡ଼, ଆଡ଼ସିକ୍ ଟିକ୍ ଆୟାଖାଜା ନିଜେ ନିଜେଦି କନ୍‌ଲିସିରି ଲାକ୍‌ତୁ ପୁରାଦାନ୍ ମାନାପିଉ ।

୨୬ କନ୍‌ଲିର୍, କ୍ରିସ୍‌ତିଙ୍କ ଏଣ୍ଡେସ୍ ମଣ୍ଡଲିଦିଙ୍କ ଜିବନ୍‌ନୋଜି, ତାନି ଉଣିଙ୍କ ନିଜେଦି ଜିବନ୍‌ ସିତାନ୍, ମିର୍ ଟିକ୍ ଆୟାଖାଜା ନିଜେ ନିଜେଦି ଆଡ଼ିକାଙ୍କୁ ଜିବନ୍‌ନୋଦୁ ।

୨୭ କ୍ରିସ୍ ମଣ୍ଡଲିଦିଙ୍କ ଏରୁଦୁ ନୋର୍‌ଜି ମାପୁରୁଦି ଉଦେସ୍‌ତାନ୍ ପବିତ୍ର କିନାନ୍,

୨୭ ମାରି ମଣ୍ଡଳିଦିଙ୍କ ପବିତ୍ର, ଦୟାସିଲିକା, ପାପସିଲିକା ମାରି ଝିନ୍ଦୁ ଯୁଦ୍ଧର କିଛି ନିଜେ ଆସ୍ତାନ୍ ।

୨୮ କନ୍ଦଲିସିର୍ ନିଜେଦି ମେନ୍ଦଲ୍ ଖାଜା ଅଡ଼ବିଜି ନିଜେଦି ଆଡ଼ିଦିଙ୍କ ଜିବନ୍ନୋନିକା ମାନାଡ଼ । ଏନ୍ ନିଜେ ଆଡ଼ିଦିଙ୍କ ଜିବନ୍ନୋନାନ୍, ଖାନ୍ ନିଜେଦିଙ୍କ ଜିବନ୍ନୋନାନ୍ ।

୨୯ ଏନ୍ ଏସାଙ୍କ ନିଜେଦି ମେନ୍ଦଲ୍‌ତିଙ୍କ କାଡ଼ଏନ୍ । ମାତର୍ ମେନ୍ଦଲ୍‌ତି ଉଣିକାତିନିକା କିନାନ୍ ମାରି ତାନି ଜାତୁନ୍ ଅନାନ୍ କ୍ରିସ୍ତ ଏଣ୍ଡେସ୍ ମଣ୍ଡଳିଦି ଜାତୁନ୍ କିନାନ୍ ।

୩୦ ଇରିଙ୍କ ମାଡ଼ ଖାନି ମେନ୍ଦଲ୍‌ତି ମେନ୍ଦଲ୍‌କାନ୍ଦଲ୍ ।

୩୧ ଦାମ୍‌ସାସ୍ତ୍ରୁ ରାସାତାମାନାଡ଼, “ଇୟାଉଣ୍ଡିଙ୍କ ଅରେନ୍ ମେମାରଏନ୍ ନିଜେଦି ବୁବାୟାୟେଙ୍କ ଡ଼ିସ୍‌ସି ନିଜେଦି ଆଡ଼ିସି ଖାଲେ ତେବାନାନ୍ ମାରି ଆୟା ରିଏର୍ ଅରେନ୍‌ଆନାର୍ ।”

୩୨ ସାସ୍ତ୍ରଦି ଇୟା ବାଗୁଡ଼ୁ ଉନ୍‌ଡ଼ି ମାର୍‌ଗିତି ସଡ଼ ଝେଙ୍କିଁ ତା ମାନାଡ଼ : ଇକା କ୍ରିସ୍ତ ନି ମଣ୍ଡଳି ଉଣ୍ଡିଙ୍କ ବ୍ୟବହାର କିଜିନା ଇଜି ନାନ୍ତୁ ବୁଜାତାମାନା ।

୩୩ ଝିନ୍ଦୁ କନ୍ଦଲିର୍ ଆଡ଼ିଦିଙ୍କ ନିଜେଦି ଜିବନ୍ନୋନି ଖାଜା ଜିବନ୍ନୋପିନ୍ ମାରି ଝିନ୍ଦୁ ଆଡ଼ି ନିଜେଦି କନ୍ଦଲିଙ୍କ ମାନାପିଡ଼ ।



### ବୁବାୟାୟା ନି କଡ଼ର୍ ଆଇଲିକ୍

୧ ☆ଏ କଡ଼ର୍, ପ୍ରବୁଦି ଉଣ୍ଡିଙ୍କ ବୁବାୟାୟାରିଙ୍କ ମାନାନିକା ମି ବିସ୍‌ବାସି ଲୋକା ପାଣି, ଇରିଙ୍କ ଇକାନେ ଟିକ୍ ସାଲାବୁଲା ।

୨ “ମି ବୁବାୟାୟାରିଙ୍କ ମାନାବୁ ।” ଇୟା ମାଟାବୁ ଉନ୍‌ଡ଼ି ପାର୍‌ମାଣ୍ ମିସାକିଜି ଝେର୍‌ଆଇ ଆତାମାନାଡ଼,

୩ “ଏଣ୍ଡେସ୍ ମି ନେଗିକା ଆନାଡ଼ ମାରି ମିର୍ ଦୁନିଆବୁ ନାଣ୍ଡ ଦିନ୍ ଜିନିଦେର୍ ।”

୪ ☆ଏ ବୁବାୟାୟାର୍, କଡ଼ରିଙ୍କ ଗିଦ୍ରି ଆନି ନାନି ଇଜି ପାଣି କିମାର୍, ମାତର୍ ପ୍ରବୁଦି ବିସ୍‌ବାସ୍‌ତାନ୍ ବ୍ୟବହାର କିନ୍ତୁ ମାରି ସିକିୟାବୁ ଖାରିଙ୍କ ଜାତୁନ୍ କିନ୍ତୁ ।

### କଟିସାକର ନି ମାଲିକ୍

୫ \*କଟିସାକର, ମିର କ୍ରିସ୍ତଦି ସେବା କିଜିନାପ୍ ଅଡ଼ବିଜି ମନ୍ତାନ୍ ତିଲାଜି ନି ତିରଗିଜି ଦୁନିଆଦି ମାଲିକାଙ୍ ମାନାନିଦେର୍ ।

୬ କେବଲ ମାଲିକ୍ ମିଙ୍ଗ୍ ସୁଡ଼ନ୍ତିଝାଲେ ଖାନି ଖେଡ଼ିକା ଆନି ଉଣ୍ଡିଙ୍ ଇକା କିଏଣ୍ଡା, କ୍ରିସ୍ତଦି କଟିସାକର ଖାଜା ମି ଝିଜୁ ମନ୍ ସିଜି ମାପୁରୁଦି ବଦା ମାନାଦୁ ।

୭ କେବଲ ଲୋକା ସେବାକିଜିନାପ୍ ଅଡ଼ବିଏଣ୍ଡା ପ୍ରବୁଦି ସେବା କିନି ଖାଜା ଖେଡ଼ିକାଦାନ୍ ପାଣି କିଦୁ ।

୮ ମନ୍ତୁ ଇଡ଼ଦୁ, ଖାନ୍ କଟିସାକର ଆପିନ୍ କି ମୁକ୍ତାତିକାନ୍ ଆପିନ୍ ପ୍ରବୁ ଝିଜୁ ଲୋକତିଙ୍ ଖାନି ନେଗିପାଣି ଉଣ୍ଡିଙ୍ ପୁରସ୍କାର ସିନାନ୍ ।

୯ \*ଏ ମାଲିକ୍କୁ, ମି କଟିସାକରକା ଉଣ୍ଡିଙ୍ ନେଗେନ୍ତାନ୍ ବ୍ୟବହାର କିଦୁ ମାରି ଖାରିଙ୍ ଆଦରିସକିମାର୍ । ମନ୍ତୁ ଇଡ଼ଦୁ, ମିର ନି ମି କଟିସାକର ଝିଜେରେ ମୁସ୍କୁପୁରତି ପ୍ରବୁଦି ଆଡ଼ଗି ମାନିକା । ଖାନ୍ ଝିଜେରିଙ୍ ଧାମାନ୍ତାନ୍ ବିଚାର କିନାନ୍ ।

### ମାପୁରୁ ସିତିମାନି ଝିଜୁ ଜୁଦ୍‌କିନିସାଜୁ

୧୦ ସାରାସାରି ଖେନ୍‌କା, ପ୍ରବୁଦି ଖାଲେ ମିସାଜି ଖାନି ପେରିସାକ୍ତିଦୁ ବପୁ ଆଦୁ ।

୧୧ ମାପୁରୁ ସିତିମାନି ଝିଜୁ ଜୁଦ୍‌ସାଜୁଦାନ୍ ତିଆର ଆଦୁ, ଏଣ୍ଡେସ୍ ସୟତାନ୍ତି ତାଗ୍‌ଲ ପାଣିଦି ଆଗିଡ଼ି ନିନ୍‌ଡେଙ୍ ଆର୍‌ନିଦେର୍ ।

୧୨ ଇରିଙ୍ ମାଡ଼ ଦୁନିଆଦୁ ବାସାଜିମାନି ଲୋକା ବିରୁଦ୍‌ତାନ୍ ଜୁଦ୍ କିଇକା; ମାଡ଼ ଖାରଇବାଦଡ଼ି ତାଗ୍‌ଲ ସାକ୍ତି ମାରି ସିକାଟି ଜୁଗ୍‌ତି ସାସନ୍‌କିନିକାଡ଼, ଅଦିକାରି ମାରି ଝିଜୁ ଦୁନିଆଦି ତାଗିଲ ଆମ୍‌କି ସାକ୍ତି ବିରୁଦ୍‌ତାନ୍ ଜୁଦ୍ କିଜିନିକା ।

୧୩ ମାତର୍ ଇଲେଇ ମାପୁରୁସିତିମାନି ଜୁଦ୍‌ସାଜୁ ଆରାଦୁ; ଆତିଙ୍ କାକୂର୍ ଦିନ୍‌ତୁ ମିର ସାଡୁଦି ଆଗ୍‌ଡ଼ି ନିନ୍‌ଡେଙ୍ ଆର୍‌ନିଦେର୍ ମାରି ସେସ୍ ସାନ୍ତି ଜୁଦ୍ କିଜିବା ତାଟାନ୍ ତେବାନିଦେର୍ ।

୧୪ ଆଦେଙ୍ ଜାଗାରତା ଆଦୁ, ସଡ଼ନାନି ବେଲେଟୁ ଗାଟିଦୁ ମି ଜୁକି ସାରିବେଡ଼ି ତରୁଡ଼, ଦାମ୍‌ନୁ ନାନି ମି ବକାଦିସାଜୁ ଆରାଦୁ,

୧୫ ମାରି ସାନ୍ତିଦି ସୁସମାଚାର୍ତ୍ତ ଉଣ୍ଡିଙ୍ଗ ରସ୍ତିନାନି ପାଦାମ୍ବୁ  
କୁତେଙ୍ଗ ଆରାଜି ତାଟ ଆଜି ନିଲୁତୁ ।

୧୬ ଝିନ୍ଦୁଦିନ୍ ବିସବାସ୍ତି ସାଜୁ ପିଣ୍ଡୁ, ତେନି ସାକାଦାନ୍ ସୟତାନ୍  
ମାଣାନ୍ ପୋକ୍ତି ଝିନ୍ଦୁ ସିସୁ ଇଟା ନାପ୍ତେଙ୍ଗ ମିର୍ ଆଟ୍‌ନିଦେର୍ ।

୧୭ ମାରି ପରିତ୍ରାଣନାନି କୁଦ୍‌ଦି ଟପି ଆରାବୁ, ପବିତ୍ରଆମ୍ବା ସିତିମାନି  
ମାପୁରୁଦି ବାକ୍ୟନାନି କାଣ୍ଡା ଆସ୍ତୁ ।

୧୮ ମାପୁରୁଦି ସାକା ଲସ୍‌ସି ପାର୍ତନାଦି ଖାଲେ ଇୟାଝିନ୍ଦୁ କିନ୍ଦୁ ।  
ଝିନ୍ଦୁ ଖେଡାବୁ ପବିତ୍ର ଆମ୍ବାଦି ସାଲକିନି ଇସାବ୍‌ତାନ୍ ପାର୍ତନା କିନ୍ଦୁ  
। ଜାଗାର୍‌ତା ମାନ୍‌ଡୁ; ଏସାଙ୍ଗ୍ ଖାନ୍‌ମାଟ୍ । ମାପୁରୁଦି ଲୋକା ଉଣ୍ଡିଙ୍ଗ୍  
ଝିନ୍ଦୁଖାଲେ ପାର୍ତନାବୁ ଏଡ୍ କିନ୍ଦୁ ।

୧୯ ନା ଉଣ୍ଡିଙ୍ଗ୍ ବା ପାର୍ତନା କିନ୍ଦୁ, ଏଣ୍ଡେସ୍ ସୁସମାଚାର୍ତ୍ତ  
ମାର୍‌ଗିତିମାନି ମାଟା ଖେର୍‌ତେଙ୍ଗ୍ ମାରି ତିଲାଏଣ୍ଡା ଆକା ଖେର୍‌ତେଙ୍ଗ୍  
ମାପୁରୁ ନା ଖେୟୁଦୁ ଟିକ୍ ବାକ୍ୟ ସିନାନ୍ ।

୨୦ ଇଲେଇ ଜଇଲୁଡୁ ମାରିଙ୍ଗ୍ ବା ନାନ୍ଦୁ ସୁସମାଚାର୍ତ୍ତ ଉଣ୍ଡିଙ୍ଗ୍  
ଅରେନ୍ ରାଜାବୁଡ୍ । ପାର୍ତନା କିନ୍ଦୁ, ଏଣ୍ଡେସ୍ ନାନ୍ଦୁ ସାସ୍ତି ଖାଲେ  
ଟିକ୍‌ତାନ୍ ସୁସମାଚାର୍ତ୍ତ ଖେର୍‌ତେଙ୍ଗ୍ ଆଟ୍‌ନା ।

### ସାରାସାରି ମାଡ଼ିସ୍‌କିନିକା

୨୧ ☆☆ନା ଅବସ୍ତା ବିସୟତାନ୍ ମିର୍ ଏଣ୍ଡେସ୍ ନେସ୍‌ତେଙ୍ଗ୍  
ଆଟ୍‌ନିଦେର୍, ଆୟାଉଣ୍ଡିଙ୍ଗ୍ ମା ଲାଡ୍‌ତି ତଡାନ୍ ମାରି ପ୍ରବୁଦି ପାଣି  
କିଜିମାନି ବିସବାସିରି ସେବାକିନି ତୁକିକ ନା ବିସୟତାନ୍ ମିଙ୍ଗ୍ ଝିନ୍ଦୁ  
ମାଟା ଖେର୍‌ନାନ୍ ।

୨୨ ମାପ୍ ଝିଜେରେ ଏଣ୍ଡେସ୍ ମାନାପ୍, ଆୟା ମାଟା ଖେର୍‌ସି  
ମିଙ୍ଗ୍ ଝେଡିକା କିବିସ୍ କିଦେଙ୍ଗ୍ ଇଜି ନାନ୍ଦୁ ଖାନିଙ୍ଗ୍ ମି ଲାକ୍‌ତୁ  
ପକ୍‌ତାଜିନା ।

୨୩ ବୁବା ମାପୁରୁ ନି ପ୍ରବୁ ଜିସୁ କ୍ରିସ୍ଟ ବିସବାସି ତଡାନ୍‌କାଙ୍ଗ୍ ନି  
ତାଙ୍ଗ୍ କାଙ୍ଗ୍ ସାନ୍ତି, ଜିବନ୍‌ନୋନିକା ମାରି ବିସବାସ୍ ସିପିନ୍ ।

୨୪ ମା ପ୍ରବୁ ଜିସୁ କ୍ରିସ୍ଟଦି ଉଣ୍ଡିଙ୍ଗ୍ ଏମୋଖାରି ଜିବନ୍‌ନୋନିକା  
ଝିଜ୍‌ଏଡ୍, ଖାନ୍ ଖାରିଙ୍ଗ୍ ଉଣ୍ଡିଙ୍ଗ୍ ଦୟା କିପିନ୍ ।

## ମାପୁରୁଦି ସବ୍ ବାକ୍ୟ

### **The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)**

copyright © 2020 The Word for the World International and Konda Porja  
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

## ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative  
Commons Attribution Share-Alike license 4.0.

You have permission to share and redistribute this Bible translation in  
any format and to make reasonable revisions and adaptations of this  
translation, provided that:

You include the above copyright and source information.

If you make any changes to the text, you must indicate that you did so in  
a way that makes it clear that the original licensor is not necessarily  
endorsing your changes.

If you redistribute this text, you must distribute your contributions  
under the same license as the original.

Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

Note that in addition to the rules above, revising and adapting God's Word  
involves a great responsibility to be true to God's Word. See Revelation  
22:18-19.

2025-05-07

---

PDF generated using Haiola and XeLaTeX on 6 May 2025 from source files  
dated 7 May 2025

506ae627-08e2-556a-b39e-5315f886d95a